

奉天通志卷二十七

大事二十七 清

清一 太宗

太宗崇德元年

明崇禎九年建國號改元遼東大部入春三月築噶

海城

清實錄三月乙卯遣貝勒阿濟格阿巴泰率八固山額真甲士往噶海築城庚申內院諸臣倣明制擬新築開城城門名曰揚威昭德永安興化定遠上曰凡事莫貴於務實今當以字義切當者書之遂更其名曰鞏固門靖遠門鎮西門

盛京阿志十三巨流河城本朝崇德元年建周圍二里門三南曰

拱固西曰鎮西北曰靖邊

奉天通志

卷二十七

大事二十七 清一 太宗

一

夏四月建國號曰大清改元崇德

清實錄四月乙酉上以受尊號祭告天地受寬溫仁聖皇帝尊號建國號曰大清改元為崇德元年丁亥頒詔大赦

開國方畧二十時外藩蒙古十六部四十九貝勒都元帥孔有

德等並以請上受尊號來朝四月乙酉祭告天地乃受寬溫仁聖皇帝尊號建國號曰大清改元為崇德元年丁亥頒詔大赦

扈從東巡日錄上天聰十年夏四月內外貝勒文武羣臣以征

服朝鮮混一蒙古兼獲玉璽之瑞宜上尊號以順民心勸進再三太宗文皇帝重違眾意降旨許可於是具儀注擇吉於四月

十一日乙酉祭告天地受尊號建國號為大清改元為崇德元年

朝鮮仁祖實錄十四年二月辛卯胡差龍骨大馬夫大等率西
達大將四十七人次將三十人從胡九十八人出來龍胡謂義
州府尹曰我國旣獲大元又得玉璽西達諸王子願上大號欲
與貴國議處茲送差人不可獨送故俺亦偕來云府尹李浚啓
聞于朝

建太廟於盛京城東

開國方略二十一 四月又于盛東營京城建太廟

定宮殿名

東華錄四月丁亥定宮殿名大門爲大清門東爲東翊門西爲
西翊門大殿爲篤恭殿正殿爲崇政殿中宮爲清寧宮東爲關
雎宮西爲麟趾宮次東爲衍慶宮次西爲永福宮臺東樓爲翔

奉天通志

卷二十七

大事二十七 清一 太宗

二

鳳樓臺西樓爲飛龍閣

秋七月明徵遼東軍入援京師

國權七月庚戌金人攻鞏華城壬子兵部傳檄徵總兵祖大壽
萬三千人關宣薊密總兵祖大樂等共萬七千人入援七月癸
丑遼東總兵祖大壽爲提督同山海總兵張時傑屬關寧總監
高起潛南援霸州巡撫遼東方一藻守山海關

九月明兵侵讎場遣將禦卻之

國權九月甲辰建人攻朝鮮登萊總兵官沈世魁登島總兵官
陳洪範進師耀州北圻時因建人侵朝鮮故也

清實錄九月戊申戶部承政英固爾岱瑪福塔等往朝鮮路獲
明哨卒詢知有明遊擊四員率兵二千入讎場隨以奏聞命吳

善季思哈率兵往援庚申伊勒慎等奏言臣等追敵望見孃孃宮渡口兩岸敵船橫截遼河約百餘艘恐敵誘我兵侵犯他處因遷移灘場居人又恐敵船逆流而上復駕小舟潛伏海州河口防之是日命伊孫率兵往援辛酉次日復命多羅安平貝勒杜度往援十月丁丑伊孫等以明兵船已退自孃孃宮渡口班師

清史稿本紀三 九月戊申明兵入灘場命吳善季思哈率兵禦之庚申伊勒慎等追明兵至孃孃宮渡口見敵船甚衆不敢進奏聞命宜蓀往援復遣杜度率師助之

冬十月明山海關總兵官張時傑免官以侯拱極代之

國權十月戊戌山海關總兵官張時傑免官下刑部侯拱極爲

奉天通志

卷二十七

大事二十七 清一 太宗

三

平虜將軍署都督僉事總兵官鎮守山海關

按遼東總兵官至是改稱山海關總

官兵

十二月帝親征朝鮮

國權十二月丁酉召羣臣于平臺時建□十五萬騎侵朝鮮皆西虜及遼將孔有德耿仲明爲前鋒大殺掠上恐來春復犯邊議增兵築堡

清實錄四月乙酉上受尊號朝鮮使臣羅德憲李廓不拜己丑遣歸國頒明旨示之令送子弟爲質以興師之期明示而遣之十二月壬申上親統大軍往征朝鮮是日次沙河堡東岡己卯距鎮江三十里駐營庚辰渡鎮江駐蹕義州城南壬午至郭山城癸未過定州十五里乙酉至安州己丑和碩豫親王多鐸奏

言進抵王京李侗潛遁往南漢山城率軍圍之戊戌朝鮮外道來援兵我軍三次擊敗之南漢山城兵出亦被我軍二次擊敗之己亥上自率大軍直抵南漢城西圍困之

耆獻類徵一四十英俄爾岱傳遣英俄爾岱及參政馬福塔尼堪率諸貝勒使者致書朝鮮比至侗不見亦不納所致書陽令國人延英俄爾岱等至議政府潛以兵環守英俄爾岱率諸使者奪民馬乘之突門出走侗遣騎以報書追及而別以書誡其邊臣令固守英俄爾岱等併奪之以聞

朝鮮仁祖實錄十四年十二月癸未都元帥金自點馳啓□兵已到安州甲申開城留守馳啓□兵已過松都於是遂定去邠之議命禮房承旨韓興一奉廟社主及嬪宮先向江都上從水

奉天通志

卷二十七

大事二十七 清一 太宗

四

溝門出向南漢山城乙酉大駕曉發山城將向江都時雪風甚緊上冰滑馬步行度其終不得達遂還入城丙戌蠟書徵諸道兵且令都元帥進兵入援

又十二月己亥是日出兵北門外陣于平地□不與之戰日且暮體察使金流玉在城上傳令收軍上城□自後掩之別將申誠立等八人皆死士卒死傷甚多

二年

明崇禎十年

春正月朝鮮國王李侗降

國權三月辛亥金人破朝鮮國王李侗走山城于是平壤王京皆陷李侗力誦降又走江華島世子見執更立李湜朝鮮國王清實錄正月壬寅朝鮮全羅道沈總兵李總兵率兵來援兵部多羅貝勒岳託迎擊敗之甲辰大軍北渡漢江距王京城東二

十里許孔有德等攜火礮至丁未全羅忠清兩道巡撫總兵合兵來援遣多鐸等擊走之癸丑李倧奉書至自陳勢窮情迫丁巳降敕切責之己未李倧遣其閣臣洪某等奉書請成壬戌睿親王多爾袞分兵攻克江華島獲朝鮮王妃一王子二閣臣一侍郎一庚午李倧乃詣軍前請降獻上明國所給敕印上命送李倧妃及其第三子留長子湮次子湮爲質二月壬申自朝鮮班師十月庚申賜李倧仍爲朝鮮國王

又正月壬戌敕諭朝鮮國王曰朕覽來奏知爾欲保全宗社朕詔已出寧肯食言將盡釋前罪永定規則以爲子子孫孫君臣世守之信義爾若悔過自新不忘恩德則當去明國之年號絕明國之交往獻納明國所與之誥命册印躬來朝謁以爾長子

並再令一子爲質諸大臣亦以子弟爲質爾有不諱則朕立爾質子嗣位從此一應文移奉大清國正朔三大節及慶弔等事俱行貢獻禮遣大臣及內官奉表其進表及朕降詔敕或有事遣使傳諭爾與使臣相見禮爾陪臣謁見禮及迎送餽使之禮毋違明國舊例朕若征明調爾步騎舟師數目限期不得有誤朕今回師攻取皮島爾可發鳥槍弓箭手及兵船五十隻來助大兵將回宜獻犒軍之禮軍中俘獲過鴨綠江後若有逃回者執送本主若欲贖還聽從兩主之便我兵以死戰俘獲之人爾後毋得以不忍縛送爲詞爾與內外諸臣締結婚媾以固和好新舊城垣不許擅築爾所有瓦爾喀人俱當刷送日本貿易聽爾如舊當導其使者來朝朕亦將遣使與彼往來也其東邊瓦

爾喀有私自逃居於彼者不得復與貿易當執送前來爾以既死之身朕予生存保全宗社復還家室當念朕再造之恩日後子孫毋違信義則邦國永存矣每年進貢一次其方物數目黃金一百兩白銀一千兩水牛角二百對豹皮一百張鹿皮一百張茶一千包水獺皮四百張青鼠皮三百張胡椒十斗腰刀二十六把順刀二十把蘇木二百斤大紙一千卷小紙一千五百卷五爪龍席四領各樣花席四十領白苧布二百匹各色棉紬二千匹各色細麻布四百匹各色細布一萬一千四百匹米一萬包

朝鮮仁祖實錄十五年正月乙巳全羅兵使金俊龍欽兵入援丙午咸鏡監司閔聖徽領兵赴援

奉天通志

卷二十七

大事二十七 清一 太宗

六

又正月癸丑遣洪瑞鳳崔鳴吉尹暉等奉書如□營龍將言當稟于皇帝卽爲回報瑞鳳等還報曰和可成矣己未□人未到西門外趣遣使臣左相洪瑞鳳辭以病遣右相李弘胄崔鳴吉尹暉如□營

又正月庚午龍馬兩胡來展謝使都承旨李景稷奉國寶以進龍胡受之而去俄而詰曰詰命玉冊何以不納耶上曰玉冊則曾於甲子年因變亂失之詰命則送于江華兵戈顛倒之時難保其獲全而如或有之則追納何難龍胡唯唯而去

又二月朔辛未清人因置王世子及嬪宮鳳林大君及夫人于陣中以麟坪大君及夫人還送于京中壬申清汗自三田渡撤兵北歸

三月殺朝鮮臺諫官洪翼漢等於市

清實錄二月乙未朝鮮國王李倬遣官解左袒明人之臺諫官洪翼漢至盛京

又三月甲辰斬朝鮮國臺諫官洪翼漢校理尹集修撰吳達濟以徇以其倡議袒明敗盟搆兵故也

朝鮮仁祖實錄十四年二月丙申掌令洪翼漢上疏曰臣聞今者龍胡之來卽金汗稱帝事也臣墜地之初只聞有大明天子耳此言奚爲而至哉懇乞殿下亟執□使之在館者列于藁街顯加天下之誅

又十五年正月癸亥前校理尹集前修撰吳達濟上疏曰臣等伏聞廟堂令前後斥和之人自首以往當此之時苟可以救君

奉天通志

卷二十七

大事二十七 清一 太宗

七

父之危急在廷諸臣孰敢不出臣等於去年秋冬疏斥崔鳴吉之主和是乃斥和之尤者也請赴□營伏劍一死以塞狡□一款之請

又正月己巳遣崔鳴吉李英達齎國書送□營執送斥和臣尹集吳達濟集等辭朝上引見曰爾等識見雖淺原其情事本非誤國而今日竟至於此古今天下寧有是事仍泣下嗚咽集曰當此之時苟有利於國家縱萬死而無惜殿下何用區區若此乎上曰爾等以予爲君從入孤城而事至於此予將何以爲心耶達濟曰臣恨不能自死今得死所有何憾乎上復曰古今天下寧有是事仍嗚咽不能成聲達濟曰臣等死生有不足恤只以殿下出城爲罔極焉爲臣子者不死於此時將何俟乎

又三月甲辰清人殺洪翼漢翼漢曾爲掌令上疏請斬□使以明大義至是清兵入寇去邠之日朝廷令平安都事械繫翼漢並送於□陣入瀋陽遂被害臨死索筆爲文言其志以責□人又四月戊子尹集吳達濟在清兵後陣至是月十五日始到瀋陽十九日龍骨大招宰臣講官于衙門坐兩人于前以皇帝之言問之曰爾等倡議絕和使二國成釁其罪極重可以殺之特以人命至重欲令全活爾輩可率妻子入居于此集曰喪亂之後不知妻子存沒徐當聞見而處之達濟曰我之濡忍至此者萬一生還復見吾君與老母耳若不得復歸故國生不如死須速殺我龍胡曰渠不念皇帝全活之恩抗言如此今不可復貸矣宰臣朴潢宮官李命雄曰年少之人只切戀君親之心妄陳奉天通志

卷二十七

大事二十七 清一 太宗

八

所懷請貸其命懇乞不已潢仍顧謂達濟曰君獨不聞徐庶事乎使君老親聞君之生存雖在異域不猶愈於殞命乎達濟不應只出涕而已胡人卽縛出西門外殺之請收屍不許又六月乙巳瀋陽陪從宰臣馳啓言尹集吳達濟洪翼漢等被害之狀

明遣登萊總兵官沈世魁等援朝鮮

國權三月辛亥命總兵沈世魁陳洪範並住皮島世魁所部萬二千五百人戰艦少洪範兵八千戰艦不及百命相機援朝鮮又三月己巳總兵陳洪範報東援朝鮮

山中聞見錄五二月清人破朝鮮李綜走免令總兵陳洪範援

朝鮮

夏四月克明皮島

國權四月壬申建人自雲從島入皮島副總兵白登庸先遁提督陳洪範西走癸酉建人五萬至鐵山招皮島副總兵沈世魁不聽戊寅建人陷皮島建人同孔有德陸攻耿仲明尙可喜水攻再晝夜西渡我兵戰敗副總兵金日觀死之沈世魁卽焚倉粟攜家登舟走石城島陳洪範亦自廣鹿島至

又五月壬子島兵殺監軍道副使黃孫茂副總兵白登庸走降建

山中聞見錄

五

壬申

二初

清人自雲從島至鐵山招皮島總兵沈

世魁不應戊寅

八初

陷皮島五月壬午

五十

島兵殺副使王孫茂副

總兵白登庸走降於清

奉天通志

卷二十七

大事二十七 清一 太宗

九

朝鮮仁祖實錄十五年二月壬申清人將襲楸島使耿仲明孔有德大治舟楫又令本國調送舟師命信川郡守李崇元寧邊府使李浚領黃海道戰舡赴之仲明有德卽明朝叛將之降於□者也

又四月癸未清將馬夫達領舟師七十餘艘襲破楸島都督沈世魁不屈而死軍兵死者萬餘人

清實錄二月壬申上自朝鮮班師命貝子碩託恭順王孔有德懷順王耿仲明智順王尙可喜往取明皮島三月丁未命多羅武英郡王阿濟格率兵往濟征皮島軍四月辛巳奏報攻克皮島捷音云於四月初八日由皮島西北隅進斬其守島總兵沈世魁丙戌復奏報擊敗明兵一萬七千有奇籍獲水手三百五

十六名婦女幼稚三千一百十六口駝馬牛羸等六百四十有奇大船七十二隻紅衣西洋礮十位閏四月壬子凱旋

瀋館錄一四月十三日狀啟昨日朝以皇帝分付招臣等於戶部龍骨大傳言曰卽者我國之人自平安道入來言得捷檄島云

清史列傳四阿山傳崇德二年與葉臣率左翼舟師攻皮島西北隅先登克之斬守將沈世魁

秋七月建永濟橋

清實錄七月辛未蒲河橋成建碑賜名永濟橋

八月築都爾鼻城

清實錄八月丙辰以築都爾鼻城命和碩睿親王多爾袞相度奉天通志

卷二十七

大事二十七 清一 太宗

十

基址多羅饒餘貝勒阿巴泰率甲士夫役前往興工

三年明崇禎春三月增廣遼陽城

清實錄三月甲子敕諭留守盛京諸王曰朕曾有旨命倣都爾鼻城規模築遼陽城今觀都爾鼻城甚小今城基未築可每面再廣十丈四月壬寅上至遼陽閱新築城垣

夏四月改都爾弼城爲屏城

清實錄四月庚子駐蹕俄約博洛令每三丁出夫一名竣都爾鼻城工改名爲屏城賜二門額一曰安邊門一曰廣邊門

五月修盛京至遼河大路

清實錄五月癸酉修治盛京至遼河大路兩傍濬濠中間增土高三尺廣十丈命和碩睿親王多爾袞多羅饒餘貝勒阿巴泰

董其役

秋七月遣達雅齊等往明張家口議和

國權六月是月建人屯大青山求款巡撫遼東方一藻以聞言敵強我弱引隆慶封俺答故事兵部尙書楊嗣昌陰主之總督宣大盧象昇言講市不講賞許插漢不許建

又七月戊辰少詹事兼翰林院侍講學士黃道周力斥款議曰無論建人必不可款款必不可成成必不可久卽款矣成矣久矣以視寧錦遵薊宣大之師何處可撤而遽謂款建人之後可撤兵中原以討流寇此亦不思之甚矣

山中聞見錄

五

七月清人屯大青山議和遼東巡撫方一藻奏

敵強我弱引隆慶封俺答故事請議款楊嗣昌主之盧象昇請

奉天通志

卷二十七

大事二十七清一太宗

十一

講市不講賞許之

清實錄七月壬申遣達雅齊塔布囊率喀喇沁部落畢喇什喇什希布等往明張家口與明鎮守官議歲幣一如與喀喇沁貝勒之數兼議開關互市

八月建盛京實勝寺

清實錄八月壬寅實勝寺工成先是墨爾根喇嘛載古怕斯八喇嘛所供嘛哈噶喇佛至上命於盛京城西三里外建寺供之至是告成賜名實勝寺鑄鐘重千斤懸于寺內東西建石碑二瀋陽日記八月十二日清主率王以下露頂拜佛于實勝寺

西在

門外即清所建也

乾隆御製詩

集五

昔我太宗破明兵十三萬於松山杏山之間歸

而建實勝寺以紀勳

冬十月明徵遼東軍入援

國權九月壬戌建人入牆子路待青山之衆以越遷安薄豐潤遼東副總兵丁志祥竇濬等來援夜戰斬級而退建人南下

又十月庚寅朔嚴京師守備徵遼東總兵祖大壽入援留遼撫方一藻關撫朱國棟分守

山中聞見錄五 九月辛巳二十 清人大舉入牆子嶺姐酋爲導

總督吳阿衡等邀擊之俱戰死圍密雲不下副總兵丁志祥竇濬等來援清人稍引南下徵邊兵入衛總兵祖大壽等各將所部馳援

清實錄八月丁巳揚武大將軍多羅貝勒岳託同多羅安平貝

奉天通志

卷二十七

大事二十七 清一 太宗

十二

勒杜度及衆大臣率右翼軍征明

又九月癸亥奉命大將軍和碩睿親王多爾袞同多羅貝勒豪格多羅饒餘貝勒阿巴泰及衆大臣率左翼兵征明

攻明錦州

開國方略六二十 九月壬申上諭諸王貝勒羣臣等曰明人聞我

二路進兵則山海關以東寧遠錦州兵必將西援朕親統大軍前往山海關一帶牽制其援兵因徵孔有德耿仲明尚可喜兵

十月己亥上率大軍向山海關進發辛丑次張古臺口開國方略

武臺 甲辰至渾河科爾沁喀喇沁各率兵來會丙午駐蹕哈喇

蘇遣沙爾虎達等趣義州己酉命濟爾哈朗多鐸各率師分趣前屯衛寧遠錦州上親向義州辛亥次敖木倫命孛海往圍大

凌河兩岸十四屯堡壬子駐蹕義州癸丑至戚家堡乙卯至錦州南諭屏城藩城開城守臣各率兵至遼陽俄黑渡口會師丙辰多鐸克桑噶爾寨堡丁巳孔有德等克戚家堡石家堡十一月癸未朔多鐸將與濟爾哈朗合師經中後所聞明總兵祖大壽往援北京乘夜襲我師次日多鐸等率兵至中後所大壽兵懼不敢出石廷柱馬光遠等克李雲屯柏士屯郭家堡開州井家堡孔有德等招降大福堡辛酉大軍進發山海關壬戌至連山連遣人諭祖大壽皆不答己巳濟爾哈朗克摸龍關及五里堡屯台庚午自中後所班師

藩館錄 十一月十七日狀啓錦州被圍之前天朝使祖大壽率兵勤王大壽以清國皇帝在後窺關而不去及其累促之始奉天通志 卷二十七 大事二十七 清一 太宗 十三
離錦州而未及入關卒遇質可趕至入於傍近小城方被圍皇帝聞其被圍亦引向其處云云

又十二月初一日狀啓皇帝西行時祖大壽在中路結陣十王以五百輕騎衝犯陣前祖將大軍四面圍住撲戰良久後稍開一路則十王僅以百餘騎突陣而出而軍兵折損者過半被擒者亦多

四年明崇禎十二年春二月圍明松山

國權二月壬子建人攻遼東松山城四旬不克尋分犯杏山清實錄二月丁酉命多羅武英郡王阿濟格率將士征明壬寅上親統大軍征明庚戌至松山命孔有德等以紅衣礮擊松山城東隅山臺克之壬子上登松山南岡授諸將攻城方略癸丑

用礮攻城城堞盡毀止餘城垣明守城副將金國鳳死守用草木填其頽處以爲捍蔽上命諸將豎梯攻城和碩禮親王代善以日暮請俟明日再攻是夜松山城中敵兵於城南攻毀處潛以繩繫木塞之覆之以土比明城已築固我軍不能入親軍眞特先登陷於陣己卯命多羅武英郡王阿濟格固山貝子尼堪羅託等還守塔山連山

三月敗明援兵於錦州解松山圍

清實錄三月丁丑明太監高起潛總兵祖大壽令松山副將楊震祖克勇錦州副將徐昌永杏山遊擊李得維率兵從邊外趨錦州庚辰經烏欣口阿爾薩蘭等擊敗之生擒楊震上親率軍馳往錦州陣殺徐昌永生擒祖克勇及守備一員我兵時分三

奉天通志

卷二十七

大事二十七 清一 太宗

十四

路穴地攻松山城有蒙古兵三百自錦州來援乘夜入城我軍不能復穿甲申遂罷攻城之議乙酉班師明史金國鳳傳十二年二月大清以重兵來攻環城發礮臺堞俱摧城中人負扉以行國鳳間出兵突擊輒敗還乃以木石登補城壞處大清兵屢登屢卻遂分兵攻塔山連山令銳卒分道穴城國鳳多方拒守終不下閱四旬圍解

夏六月明罷山海關總兵侯拱極以馬科代之

國權六月甲午以馬科爲總兵官鎮守山海關侯拱極罷

明錄守松山功以金國鳳爲遼東團練總兵官

國權六月乙未敘守松山功進金國鳳署都督同知廕錦衣衛千戶餘陞秩有差

明史金國鳳傳擢署都督僉事爲寧遠團練總兵官再論功署都督同知廕錦衣衛千戶

冬十一月肅親王豪格等敗明兵於寧遠殺明總兵金國鳳

清實錄十月丙戌遣和碩肅親王豪格等多羅貝勒多鐸率兵略錦州寧遠等處十一月甲寅肅親王豪格等遣布丹詹霸等自軍營奏報明寧遠兵出北山岡爲右翼兵擊敗陣斬總兵金國鳳及其二子共斬三十餘人獲馬二十六匹

明史金國鳳傳是年十月大清兵復攻寧遠國鳳憤將士恇怯率親丁數十人出據北山岡鏖戰移時矢盡力竭與二子俱死總督洪承疇上言國鳳素懷忠勇前守松山兵不滿三千乃能力抗強敵卒保孤城非其才力優也以事權專號令一而人心

奉天通志

卷二十七

大事二十七 清一 太宗

十五

肅也迨擢任大將兵近萬人反致隕命非其才力短也由營伍紛紜號令難施而人心不一也乞自今設連營節制之法凡遇警守城及統兵出戰惟總兵官令是聽庶軍心齊肅戰守有資所係於封疆甚大帝卽允行之

明以吳三桂爲遼東團練總兵官

國權八月總督薊遼洪承疇出山海關至中前所以千總劉肇基虛冒誅之劉爲總監高起潛私人因隙承疇薦劉肇基總兵吳三桂團練兵部准三桂

又十一月甲寅都督吳三桂爲遼東總兵官團練寧遠人馬

五年

明崇禎三年

春正月遣兵戍錦州

清實錄正月甲子遣翁阿岱多濟里等率將士戍防錦州

三月明兵增防錦州松山

國權三月丁亥建人至義州謀犯錦州總督洪承疇同遼東巡撫方一藻以前鋒祖大壽團練吳三桂分練劉肇基先屯錦州松山待之調山海關總兵馬科以萬人往

又四月戊辰總督宣大張福臻言去冬聞建人造紅夷砲十六招善梯者千人買哈喇慎馬萬匹今關外報建人載砲而來雖聲東擊西之意然大砲不便跋涉則注意松錦亦未可知宜預圖援禦未可以兩城爲孤注也

明史曹變蛟傳明年三月錦州有警承疇命吳三桂偕肇基赴松山爲聲援

遣兵略廣寧

奉天通志

卷二十七

大事二十七 清一 太宗

十六

山中聞見錄^六三月清兵犯塔山吳三桂擊之殺傷九十餘騎擒其酋長清兵敗走復合西路犯松山吳三桂逆戰破之殺傷千餘西路王子台吉死於兵

清實錄三月丙戌遣碩翁科羅巴圖魯勞薩等率將士往廣寧捉生諭曰爾等當自廣寧山後越其前坡勿得渡大凌河嗣又命其由中後所北往畧海濱一帶五月己酉勞薩等還奏由中後所北面入分兵一半沿海搜略獲馬二十四牛一百六十三驢四十俘十六人殺二百二十人

清史稿本紀^三三月己丑勞薩吳拜以逗留議罰有差

修義州城駐軍戍之

清實錄三月己亥命和碩鄭親王濟爾哈朗多羅貝勒多鐸率

官兵往修義州城駐軍屯田令明國山海關外寧錦地方不得耕種

山中聞見錄六四王子以大衆築義州構屋屯田更番戍守爲持久計以逼我八城

徵朝鮮水師赴大小凌河

清實錄三月辛丑遣戶部參政碩詹往朝鮮國安州督催領運水師五千名解米一萬包又命洪尼喀庫禮率三十人與朝鮮水師將領同舟引導而行至旅順口五月乙酉碩詹自朝鮮調水師還

又六月戊辰先是上命朝鮮總兵林慶業等率兵五千船一百一十五艘載米一萬包由明錦州南小凌河大凌河口進發運

奉天通志

卷二十七

大事二十七清一太宗

十七

至三山島遭風覆沒僅存五十二艘至是諭慶業等准其由陸路前進其米用我國車輛運至蓋州耀州其陸路兵令于海州駐筭以候馬匹

瀋陽日記六月二十七日范文程皮牌等六人以帝言來傳於世子前曰林慶業舟師方到海州衛而不肯進前又不往納米之處此何意耶

夏五月帝如義州遂至錦州

開國方畧

八

十

四月庚辰以義州修築城垣上親往巡視五月

辛巳巡幸邊界閱牧馬場壬午過開城癸巳至義州北乙未幸義州城閱視建造房屋處所駐蹕戚家堡丁酉離營十五里往閱錦州城壬寅上統兵至錦州東五里舉礮攻克其臺復命內